



O Volapükaflens Valöpo!

Kaenav eprogedon ün dels obsik mu vifiko. Ven betikobs televidömis, telefonis polovik e nünömis, ad nemön te anikis dinas nulädik, stunükobs vemo. Rufats obas neai isevons dö dins somik; jenöfo ünemoms onis milagis. Ab nolavans ya evotafomons „milagis” at, ed anu binons mageds aldelik. No kanobs fomälön lifi nen ons.

E tefü püks-li? Ebinons-li i milags in tef at? Ün paset, e no spikob dö yels mödik, if äviloy tradutodi bosa in pük foginik ini pük lomänik, imutoy u lärnön püki tefik saidiko, u pelön eki ad dunön vobi somik. Ab jino no plu! Cin „milagik” votik petüvon, kel traduton vödemi de pük bal ini pük(s) votik. Kanoy remön oni ad gebön in nünöm. Elilob, das kaliet pükik anu no binon nen pöks, ab fovo obinon gudikum, bi voboy ai plu ad gudükumön siti ma kel jäfidon.

E tefü pük bevünetik-li? Neodoy-li püki somik anu ven kanoy getön tradutodis (le)gudik atmodo?

Äsä esagob, sit löpik no binon nen pöks, ab nendoto binon mu frutik pro utans, kels vilons tradutön mu vifiko dokümis veütik. Ab ma sit at, kanoy te reidön pükis; no kanoy spikön onis. Ed in tef at, pük bevünetik labon buädi gretik, bi atmodo kanoy spikön pösodiko ko mens. Ab ven tefon büsidi, ba tedans no nitedälons somödo dö atos.

Fütür pro püks bevünetik no binon gudik. Pos yels mödik voba ad nüdügön püki somik ini lif netas, no nog eplöpoy ad lölöfiko ledunön osi. Taädo tuvoy, das lanäl fibikon ai - ba neodoy „milagi” votik ad süädükön menefi tefü atos.

Valikosi Gudikün Oles ed Olikanes

*Ralph*

DÕ GRETOT E BÄLDOT LEVALA

Fa hiel John Redgwell

Nolavans disputons suvo dõ gretot e bældot levala, ab cedũ ob binos dinād pro filosopans.

Mutoy sākõn: „Kis binon „leval“?

Utosi nemobs „levali“ lõloti utosa, kelosi kanobs u kanobsõv logõn me logs u tuvõn me stums nolavik.

Ab dins at dabinons spadiko e timiko. Ye kod levala binon ni spadik, ni timik. Binon bināl dinas valik ā tikāla menik. Jenõfo binon „Seved Klinik.“ Binon nenfinik e laidulik.

Votaflano kanoy sākõn: „Labon-li leval primi e fini?“ - Betikobsõs atosil

Nolavans etũvons galaxidis lefagik, too ai mõgos, das dins mõdikum dabinons etflanũ din fagikũn. Ye if din semik patũvon, muton dabinõn tõ fagot semik.

Leval sevovik binon niludo nenfinik, ab jenõfo finik. No kanoy logon, lilõn, kontagõn, igo sevõn dini tõ fagot nenfinik! Bi leval binādon me dins, ai muton binõn obes finik.

Tefũ bældot levala, i muton binõn niludo nenfinik, ab jenõfo finik.

Bældot tefon timi. Leval sevovik dabinon timiko. Tim no kanon labõn primi, bi prims valik binons ũn tim semik; demũ atos bũniludons dabini tima.

Otmodo tim no kanon labõn fini, bi fins valik bũniludons dabini tima. Too, if sevoy, ud igo betikoy jenoti seimik, muton jenõn ũnũ tim semik.

Ai mögos ad fomälön dini tö fagot gretikum, ka tö fagot dina seimik pesevöla. Otmodo ai mögos ad fomälön jenoti äjenöl bü jenot primik pesevöl. Ye dins e jenots valiks mutons binön finiks.

Bi leval binädon me dins e jenots, kludob, das leval binon finik. Te spad e tim ito binons nenfiniks. Ye no kanoy sevön spadi nen dins u timi nen jenots!

Üfo, kins binons „spad nen dins” e „tim nen jenots?”

Cedü ob binons kod levala valik - binäl dinas valik ä tikäla menik.

Do no kanoy sevön oni äsä kanoy sevön dinis e jenotis, jenöfo sevoy oni ai as binäli oyik.

Leval logädik binon niludo nenfinik. Binäl levala obsik, kludo, binon laidüpipik.



## GRAMATAGUL

### KONOTIL SETULA

(Vöds verätik pubons me tonats slobik)

Lödobs tö Berlin. Dom obsik binon *äl* sulüd. Jimatan golof aldeliko *sui* süit ad visitön selidöpis. Plidob ad vegön lü zänod. *Të* top at kanoy logön bumis nitedik. Dom obsik binon nulädik. Yan fidacema dugon *äl* sälun. Ab enu elabobs fikulis ko puls badöfafredik, kels epenoms vödis badik *sui* gadamön. Domadil, keli gebobs suviküno binon *äl* nolüd; sekü atos, no kanobs küpedön ai gadi, kel binon *äl* sulüd. Puls at suvo i grämoms *sui* mön ad favükön obis. Ün del somik, balan omas efalom *sui* glun. Binobs famülans nätimik; visitobs alvigiko röletanis, kels lödons in zifil *të* fagot milmetas vel. *Të* topäd at logoy domilis boadik mödik.

MEL DEADIK VAPIKON AI

Mel Deadik noe binon fulū sal, abi suno id obinon nen vat. Ed ünū yels luldeg, mögos, das unelogädikon.

Jenöfo vat ga vapiikon, bi no dabinon gebid saidiko gretik vata. Sekū atos, bolitans bespikons fefo bumi kanāda ve veg lölik de Mel Redik jū Mel Deadik ad kanön savön oni.

Mel Deadik bo unepubon ünū yels luldeg if disin ad yümön oni ko Mel Redik no ofidunon.

So āsagom ün mul yunul Ministeran gididū vatiblūn se Yordanān, hiel Hazem Nasser, kel ānunom limanes kolkōma bevūnetik tefū vatisini ad bumön kanādi bevū mels tel - lunotū za milmets teltum. Otūpo ālapelom lū jāfūdisevans in Tats-Pebalöl, Yurop ed in lāns Larabānik ad stūt. „Plāo Mel Deadik riskädikon ad nepubön ünū yels luldeg okömöl,” āsagom.

Nivod mela efaon laidiko sis yel 1935, e leigodū stad yelas mäldeg, gretot mela adelo binon kilnaiko lāsikum. Mel Deadik adelo dalabon te degdili vata se Flum Yordan, keli āgeton būo. Vat at pagebon zeilū feilav in Yordanān e Yisraelān.

Pö bān mela, semikna dabinons hogs dibik jüesa mets teldeg. Ejenos anikna, das mens efaons ini ons.

Stūt finenik ya pebegon de Bank Volik. Ma hiel Hazem Nasser, te jel zūamöpik Mela Deadik ofrādon plu ka dolaris balion.

Mel Deadik binon feled vata salikūn vola. Sal vetūkon meli, kel sinifos, das binos fikulik ad sadön us. Nivod geilik sala sinifon, das no dabinons fits in mel; te baktens kanons lailifön. Ab törans mödik labū skinanāfāts visitons Meli Deadik ün yel alik, vat kela benūkon onis. Too jekālim esmalūkon numi visitanas.

Jireg Lägüptänik Kleopatra päjänälof sovemo fa mel, das äbegof löfäbi oka, hiel Mark Antony, ad ninükön oni in Romän. Jigam hielä Lot äloveivotof ini köläm sala sosus igelogedof ledesiriko lü zifs elas Sodom e Gomorrah nilü Mel Deadik - ed äsä nem jonon osi, penäds famik Mela Deadik l pätüvons in lekevs nilü mel.

Mel Deadik voiko no binon mel, ab lak ninik in fäld su mied Yisraelänik-Yordanänik labü sal biedik. Adelo feled ota binon mets 410 dis nivod mela, seko binon dil donikün vola. Disin nulik otovon vati jü mets 395 dis nivod mela.

• • • • •

PENED DE SÖL BRIAN R. BISHOP

O redakan digik!

In pened redakana ed in lartüg tiädü „Latin – Pük Katulima“ pesagos, das ob no äverätob, ven isagob, das Glüg Katulik elüvon latini. Ol e lautan lartüga verätöloms, ob verätikumob. Ekö kikodo.

Ol e lautan verätols, das latin binon pük calöfik Glüga; das dabinon Fünod „Latinitas,” laböl gasesdi otnemik, e das Pädan Reginald Foster, noganükan hitüpajula, vobom in Tatasekretanefa Vatikänik. Binon pük calöfik, ab lenemödo pageböl. Kodü dunods nemödik, Fünod „Latinitas” e gasesd okik nemödo pasevon, e sogäds votik ko gasesd latina liföl labons fami vemo gretikum; do gididon ad dabükön bukis latinik, dabükon ti noniki, ed onis nek reidon.

Pemäniotom Pädan Reginald Foster. Hittüpajuli okik soaliko noganükom. Atosi it äsagom, bevü dins mödik, dö sev latina in Glüg; „Seiman, kel sevom latini ömiko binom man loga bal in län bleinanas.” E „Konsälänef Telid äjedon latini su masati zänedöfotas.” Ekö vöds votik fa Pädan Foster, latinipükan leskilik e, kodü cal, lekonfidöfik dö stad latina: „Vob Sekretanefa edoniofalon. Būo äpenon penedis lü läns valik; bū yels deglul u teldegs, Vatikän benosekiko ägebon latini

äs nunotömi cifik, ed äspeton, das kultals vola valik ösuemoms oni. Nutimo latin vedon dunod lezälik u dekik äs leigeds galanas Jvezänik."

Dönu: „Dü papalam at geb latina efaſon donio kloak.”  
[Logolös: eli „The Future of the Past” (= Fütür paſeta) fa hiel Alexander Stille, 2003, ISBN 0-330-37353-0, padis 245-297 ed eli „Caveat to Vatican: more Latin, less lingua franca,” (= Nuned Vatikäne: plu latin, läſ püka bevünetik” in el „New York Times” - lartügs pevälöl ſe el „Daily Telegraph” tü del 3id yunula, yela 2004].

Adelo binos vemiküno fikulik e ſeledik ad bekömön mäſädi latinik, kö kanoy pabalatön ko utans, kels plekoms nun ed in yeltums, iſ ed in vol lölik. [If vipoy, labob ladetiſ ſogedaſ pro mäſäd latinik, kels labons timiſ e topiſ]. Kultans neai reidoms vobotiſ rigik lekreda fa Godavans vönik medü pük omſik. No zeſüdoſ u digädoſ ad plonön u ſteifön plu.

Iſ epenob te dö Glüg. Läbiko pük patuvon e pagebon veitiküno plödo - Deo Gratiäſ!

† †

(Noet redakana: In pened tefü lartüg fa flen John Redgwell, ſöl Biſhop eſagom, daſ „pük latinik, paſpiköl adelo, labon netäli nonik. Glüg lüvon oni, ſodaſ labon reli nonik.” Ab Glüg no elüvon oni; iſ in Scunthorpe, kanoy komön pö mäſäd in latin alvigiko!)

\* \* \* \* \* \* \* \* \* \* \* \* \* \* \* \* \* \*

MANS DIFIK

Man, keſ vobom me nams oka binom voban; man, keſ vobom me nams e brein okaſ binom febodan - ab man, keſ vobom me nams e brein e lad okaſ binom lekanan.  
(Ma hiel Louis Nizer)

VENUD ETRAVĀRON DELO SOLI

Mens da vol lōlik ālogedons lū sil tū del 8id yunul, ven ākanons logōn pubodi, keli nek lifōl ilogon būo, sevabo: beiādi Venuda travārū sol.

Ābinos naed balid sis yel 1882, das planet Venud ibeiādon bevū tal e sol ed ākanon palogōn su sirkūl solik.

Jenot at āblinon milis menas plōdio ad logedōn lū sil me lūnāts dagik ad jelōn logis. Sil ābinon pato litik in dils mōdik vola, kel ādālon logoti gudik puboda.

Beiāds somik padigidons vemo fa stelavans. Dālons studis ledibik yegas, kels travārōns suni kodū lit gudik. Yegs silik mōdik pesāvilupons otmodo.

Beiād Venuda pābepenon ūn yel 1639 fa stelavan nemū Jeremiah Horrock. Jenon alo pos yels tum teldegtel. Beiād okōmōl ojenon ūn yel 2126; ye at no pologon so vidiko ās beiād pepasetōl.

Venud binon kildegnaiko smalikum ka sol.



KISI ŪFO DUNOLÖV-LI?

Ūn del seimik hisaludan Francis di zifil 'Assisi' ācopom gadi oka. Beigolan āsākom ome: „Kisi dunolöv-li if āsevom sunādo, das ōdeadol bū solamodonikam dela at?” „Ōfinūkob vobi obik in gad,” āgespikom.

- - - - -

SAGAT HIELA GEORG BERNARD SHAW

Ven ābinob man yunik, ākūpetob, das dinis zūl se deg, kelis ādunob, āneplōpons. Ab no āvilob binōn neplōpan - sekū atos, āvobob degna plu.

NUNILS SE VOL LÖLIK

MAT NELĀBIK

Lindānan, kel āskanom kodū yam matana demū mesed oka lesmalik, ācōpom linegi ofa. Hiel Enadul Mullick, kel binom viktualitedan, āgebom copōmi ad sekōtōn linegi matana in kvisinōp. „Mat no ābinof lābik; himatan ekoefom krimi oka,” āsagom poldan.

KOD PEREVIDŌL VŌDEMITŌBA

Ma nolavans, kod vōdemitōba (= dyslexia) no labon licini ot da vol. In Tsyinān, samo, jinos, das labon licini difik, bi pūk lāna at dalabon stabi sūmbolik, pla lafabik. Letūv at kodon, das dotoy tefū būoced stāānik, das vōdemitōb labon kodi valemik. Plao vestigans cedons, das paflunon levemo dūb kuliv patik.

MAN EGLŌFOM MAXŪLI NULIK

Nunoy, das kōtetavans egebumoms logodi mana posā iglōfoms maxūli nulik su bāk oma. Pos vigs fol man, kel labon lifayelis luldegmāl, ākanom juitōn fidādi legudik naedū balid ūnū yels zūl. Būo te ākanom fidōn viktualis molik e supi posā dil gretik maxūla pimosumon kodū kanser. Kōtet pionirik at padunon fa nolavans Deutānik.

LOGODS REDIK!

Potacalans Linglānik esākusadoms okis, bi lōdans za teltum vilaga no egetons poti dū vig lōlik kodā āvakenom penediblinan. Za doms zūldeg in vilag ‘Comberton’ nilū zif Cambridge no egetons poti dū vig pasetik, bi potacifs iglōmons ad cālōn penediblinan votik ad atos.

SAUNŌ!

Primāt poldik ad tirādōn bludīgivans in zif Prag (Tsyegān) eplōpon levemo sisā eprimoy ad lofōn biri glatik. Nibuds eblinons Tsyegānanis se dil alik lāna Ad givōn liāti lafik bluda. Tōko egetons zōti vōladū liāti bal bira āsi lebonedi balyelik gaseda pōpedik.